

Na osnovu člana 67. Zakona o budžetima u Federaciji Bosne i Hercegovine („Službene novine Federacije BiH“ broj: 102/13, 09/14, 13/14, 8/15, 91/15 102/15 i 104/16) , a u vezi sa članovima 7., 19. i 21. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), i člana 35. tačka (k) Statuta Grada Bihaća („Službeni glasnik Grada Bihać“ broj: 13/15), Gradsko vijeće Bihać na 28.sjednici održanoj dana 24.12.2018. godine, donijelo je:

O D L U K U

o reprogramu i dodatnom zaduženju Grada Bihaća

Član 1.

Ovom Odlukom Gradsko vijeće Grada Bihać daje saglasnost na reprogram postojećih kreditnih obaveza i dodatno zaduženje Grada Bihaća u ukupnom iznosu do 12.000.000,00 KM (slovima: dvanaestmiliona konvertibilnihmaraka i 00/100).

Član 2.

Kreditna sredstva iz člana 1. ove Odluke, koristit će se za:

- reprogram kreditnog zaduženja iz 2014.godine;
- i finansiranje infrastrukturnih projekata u Gradu Bihaću u 2019.godini.

Član 3.

(1) Uslovi pod kojim će Općina Bihać sklopiti Ugovor o kreditnom zaduženju su:

- iznos kredita do 12.000.000,00 KM
- rok otplate 7 godina
- osiguranje kredita: mjenice
- uz najpovoljnije: kamatnu stopu i troškove obrade kredita.

(2) Ostali uslovi u pogledu otplate kredita, cijene kredita, regulisat će se Ugovorom između Grada Bihaća i najpovoljnije komercijalne banke, koja će biti izabrana u skladu sa odredbama Zakona o javnim nabavkama BiH („Službeni glasnik BiH“ broj: 39/14).

Član 4.

- (1) Otplata kredita (glavnice i kamate) će se vršiti iz Budžeta Grada Bihać.
- (2) Servisiranje duga – otpлата kredita, vršit će se na osnovu Ugovora i otplatnog plana sa odabranim kreditorom.
- (3) Grad Bihać će svojim Budžetom, u periodu otplate kredita, planirati sredstva namijenjena urednom servisiranju istog.

Član 5.

- (1) Gradsko vijeće Grada Bihać, na osnovu ove Odluke, ovlašćuje Gradonačelnika da zaključi Ugovor o kreditnom zaduženju sa izbaranim kreditorom u skladu sa članom 3.ove Odluke, po prethodno pribavljenom odobrenju Ministarstva finansija Federacije Bosne i Hercegovine.
- (2) Daje se saglasnost Gradonačelniku da potpisuje sva potrebna dokumenta vezana za realizaciju ovog kreditnog aranžmana, uključujući i potrebne garancije.

Član 6.

Stupanjem na snagu ove Odluke prestaje da važi Odluka o zaduživanju Općine Bihać („Službeni glasnik Općine Bihać“ broj 13/13).

Član 7.

Ova Odluka stupa na snagu 8. (osmog) dana od dana objavljivanja u „Službenom glasniku Grada Bihać“.

Gradsko vijeće
Broj:GV-14-196
Bihać, 24.12.2018.

Predsjedavajući Gradskog vijeća
Davor Župa